


Avataasiorluni aalisarneq kvartalip pingajuat 2017

2017-imi kvartalip pingajuat ilanngullugu avataasiorluni tunisassiuutigalugu aalisarnermi pisat

Avataasiorluni nammineq tunisassiuutigalugu 2017-imi aalisarnermi kvartalip pingajuat ilanngullugu pisat matumuuna kisitsisaataasivitsinni takuneqarsinnaalerput. Uani pineqarput aalisariutit namminneq tunisassiorfillit nunatta nunallu allat imartaani aalisakkat qaleruallillu pisaat. Aammattaaq kisitsisaataasivimmi nunat allat aalisariutaasa nunatta imartaani kvartalip pingajuat ilanngullugu pisat takuneqarsinnaanngorput.

Maluginiaqquneqarpoq avataasiorluni aalisarnermi pisatut pineqartut tassaamata nammineq aalisariummi tunisassiat. Kinguppaat, qalerallit saarulliillu avataasiorluni aalisakkerivinnut tunisat kisitsisini ilaanngillat, taakku tunisinermi naatsorsuutitut ilaareerput.

Kvartalip pingajuat ilanngullugu pisat 2014-imiit – 2017-imut suussutsinut assigiinngitsunut agguarlugit



Najoqqutaq: Naatsorsueqqissaartarfik – takuuk kisitsisaataasivik <http://bank.stat.gl/FIN008>

Kisitsisaataasivik:

Kisitsisaataasivimmi avataasiorluni nunatta eqqaani imartanilu allani aalisarnermi pisat 2008-miit 2017-imut kisitsisaateqarfimmi takuneqarsinnaapput.

Allanik immikkut paasisaqarusukkuut allaffimmi pisortaq Lars Geraae oqarasuaat toqqaanartoq 34 57 87 atorlugu attavigneqarsinnaavoq.